



Në mbështetje të nenit 5 paragrafi 1, nënparagrafi 1.1, pika 1.1.1, nenit 12 paragrafi 1, nënparagrafi 1.5 dhe nenit 22 paragrafi 3 të Ligjit Nr.08/L-017 për Agjencinë për Parandalimin e Korrupsionit, nenit 21 paragrafi 2 të Ligjit nr. 06/L-011, për parandalimin e konfliktit të interesit në ushtrimin e funksionit publik, si dhe nenit 7 paragrafi 4 të Rregullores nr. 01/2018, për Ndryshimin dhe Plotësimin e Rregullores Nr. 01/2014 dhe Rregullores Nr. 01/2017 të Punës së Agjencisë kundër Korrupsionit, Drejtori i Agjencisë për Parandalimin e Korrupsionit, me datë 18.11.2024, nxjerrë këtë:

V E N D I M

Mbyllet rasti APK-DPKI-06-964/24, për zyrtaren e lartë znj. Ardita Blakaj, Ushtrues Detyre e Drejtorit në Qendrën Korrektuese për të Mitur në Lipjan -Shërbimi Korrektues i Kosovës, për shkak së është shmangur gjendja e papajtueshmërisë me ushtrim të funksionit publik.

A r s y e t i m

Rasti i hapur (sipas një raportimi) nën dyshimin për papajtueshmëri në ushtrimin e funksionit publik për zyrtaren e lartë znj. Ardita Blakaj, është trajtuar sipas procedurës së paraparë me Ligjin nr. 06/L-011, për parandalimin e konfliktit të interesit në ushtrimin e funksionit publik (në tekstin e mëtutjeshëm: Ligji për Parandalimin e Konfliktit të Interesit).

Ky rast ka filluar të trajtohet pasi ishte raportuar se znj. Ardita Blakaj, krahas ushtrimit të funksionit si zyrtare e lartë publike, respektivisht Ushtrues Detyre e Drejtorit në Qendrën Korrektues për të Mitur në Lipjan- Shërbim Korrektues i Kosovës, e njëjta në të njëjtën kohë vazhdon ta mbaj edhe pozitën e Kryetares së Shoqatës së Grave në Shërbimin Korrektues të Kosovës.

Më pas, në pajtim me nenin 22, paragrafin 3 dhe 5 të Ligjit për Parandalimin e Konfliktit të Interesit, Agjencia për Parandalimin e Korrupsionit ka dërguar shkresën zyrtare DPKI-06-01/964/24, duke e njoftuar zyrtaren e lartë për fillimin e shqyrtimit të gjendjes së papajtueshmërisë. Pas kësaj, është organizuar dhe mbajtura një takim në zyrat e Agjencisë, me ç' rast zyrtarja në fjalë është njoftuar me pretendimet e ngritura për situatën e mundshme të konfliktit të interesit respektivisht papajtueshmërisë në ushtrim të funksionit publik, njehërit i është bërë me dije se gjatë ushtrimit të funksionit publik në cilësinë e zyrtares së lartë publike, ajo nuk mund që njëkohësisht të mbajë funksion drejtues e as të jetë përfaqësuese e autorizuar në Organizatë Joqeveritare (OJQ), sepse kjo situatë paraqet gjendje të papajtueshmërisë me ushtrimin e funksionit publik, siç

përcaktohet me nenin 13, paragrafi 1, dhe 14 paragrafi 1 të Ligjit për Parandalimin e Konfliktit të Interesit, ku thuhet se:

(13.1) Zyrtari i lartë nuk mund të jetë menaxher, përfaqësues i autorizuar ose anëtar i ndonjë organi menaxhues apo mbikëqyrës i personave juridikë privatë, fitimprurës sipas ligjit përkatës për shoqëritë tregtare dhe organizatave joqeveritare, përjashtuar subjektet e përcaktuara në nenin 14 të këtij ligji, subjektet politike si dhe rastet kur një funksion i tillë i dedikohet me ligj për shkak të funksionit”.

(14.1) Zyrtari i lartë mund të jetë anëtar i organit drejtues, me përjashtim të funksionit drejtues, të organizatës joqeveritare nga lëmi i shkencës, sportit, arsimit, kulturës, veprimtarive humanitare dhe të ngjashme pa të drejtë shpërblimi me pagesë, përveç të drejtës në kompensimin e shpenzimeve të udhëtimit dhe shpenzimeve të tjera të lidhura me to.

Pas sqarimit dhe diskutimit të fakteve, zyrtarja e lartë është pajtuar me gjetjet e Agjencisë për Parandalimin e Korrupsionit, duke deklaruar se angazhimi i saj si Kryetare në OJQ-në “*Shoqata e Grave e Shërbimit Korrektues të Kosovës*” ka të bëjë me aspektin e avancimit të rolit të *Gruas në Shërbimin Korrektues të Kosovës*, dhe se nuk ka pasur njohuri lidhur me papajtueshmërinë në mes të këtyre dy funksioneve, me gjithë atë ajo është zotuar se në afatin sa me të shpejt do të ndërmarri veprime të menjëhershme dhe konkrete në mënyrë që të shmangë papajtueshmërinë në ushtrimin e funksionit publik.


Ndërkohë, Agjencia për Parandalimin e Korrupsionit është njoftuar nga znj. Blakaj se janë bërë ndryshimet e kërkuara në OJQ-në, në fjalë, të cilat dëshmojnë edhe përmes shkresës zyrtare “*Lëtërkonfirmimi*”, ku e njëjta nuk figuron më të jetë Kryetare e as Përfaqësues e Autorizuar në OJQ-në “*Shoqata e Grave e Shërbimit Korrektues të Kosovës*”.

Me veprimet e ndërmarra nga zyrtarja e lartë, janë krijuar rrethana të reja me çfarë është shmangur gjendja e papajtueshmërisë me ushtrimin e funksionit publik.

Nga sa u tha më lartë, u vendos si në dispozitiv të këtij vendimi.

Vendimi iu dërgohet:

- Zyrtarit të lartë publik
- Drejtorit të DPKI- së
- Z./znj. (zyrtari përgjegjës)


Yll BuleshKaj
Drejtore i Agjencisë për
Parandalimin e Korrupsionit